

Latit.
Gr. Scr.

Longit.
Gr. Scr.

92 INDEX GEOGRAPHICUS.

genituræ exciderunt, quod lectum patris ascendisset cum Bilha ancilla Rachelis: ideoque duplex portio de bonis paternis, administratio Sacrorum, & dominium inter fratres ad alios translata sunt. Duplex portio de bonis paternis in filios Joseph Manasse, & Ephraim; Sacrorum administratio in Tribum Levi; & Dominium sive Regnum in Juda. Jacob ipsum Ruben primogenitum suum, & fortitudinem suam fatetur, sed & principium doloris sui... & non crescas (inquit) quia ascendisti cubile patris & maculasti stratum ejus, Genes. 49. v. 3. 4. pene eadem Moyse Deuter. 33. v. 6. Vivat Ruben... & sit parvus in numero. Et hæc quidem Tribus infima, & ab aliis contempta ut plurimum fuit. Inter filios Tribus Ruben Elizur filius Seduc Rubenitarum 46500. princeps fuit in Deserto, Num. 1. v. 5. & 21. Sammua filius Zechur Terræ Promissæ explorator, 13. v. 5. Nullus ab ipsa Tribu divisor, quia extra datos Terræ Promissæ limites sortem petiit, & in quam 43700. Rubenitæ ingressi sunt. Dathan & Abiron filii Eliab, & Hon filius Pheleth de Tribu Ruben cum Core Levita vivi absorpti sunt, Num. 16. De ipsa Tribu putatur Judith, tum & Joël Propheta. Eam descripsit Josue 13.

32. 1. 66. 44.

Ruma urbs in Tribu Ephraim. Et cum Sichemitæ in Abimelech insurgerent, sedit ipse in Ruma, Jud. 9. v. 41.

31. 9. 66. 19.

Ruma urbs inter Arab & Esaan in parte septima Tribus Judæ, Josue 15. v. 52. ex qua Zebida mater Joakimi Regis Juda, quæ fuit filia Phadaia de Ruma, 4. Reg. 23. v. 36.

S.

Saab aliàs Salib, Joseph. 3. Bell. c. 15. vicus in Galilæa, è quo natus est Eleazar Samæi filius, qui in obsidione Jotapatæ saxo è murorum altitudine emisso, arietis caput abruptit, in fossam defiliens eripuit, & etiamsi sagittis quinque transfixus fuerit, in muros asportavit; sed viribus deficiens, illud suis ostendisse contentus cecidit. Locus hic mihi videtur idem, qui & Sared & Sarid est Josue.

31. 0. 75. 0.

33. 0. 78. 0.

33. 2. 1/2. 67. 52. 1/2.

Saananim Tribus Nephthalim regiuncula videtur: in qua urbes Heleph, & Helon, Josue 19. v. 33.

24. 0. 93. 0.

Saba. Genes. 10. v. 7. & 1. Paral. 1. v. 9. Filii Chus: Saba, & Hevila, & Sabatha, & Rhegma, & Sabathaca. Saba ergo erit primus filiorum Chus, & ejus posterorumque sedes in Arabia Deserta, ubi Saba alias Sabe Ptolemæo. Vide Chus.

24. 0. 93. 0.

Saba alter est etiam, Genes. 10. v. 7. Filii Rhegma (filii Chus) Saba & Dadan. Rhegmæ posterij jam positi sunt, ubi Ptolem. habet Rhegma in Arabiæ Fœlicis littore ad Persicum Sinum. Hujus filii sunt Saba & Dadan. Vide Dadan.

14. 0. 75. 0.

Saba filius Jectan decimus in Arabia Fœlici describitur, inter Abimaël & Ophir, Genes. 10. v. 28.

31. 47. 67. 22.

Sabama. Filii Ruben ædificaverunt Hesebon... Sabama, Num. 32. v. 38. Josue in descriptione Tribus Ruben. & Cariath-aïm, & Sabama, & Sarath-asar in monte convallis, 13. v. 19. Isaias meminit vineæ in Sabama, 16. v. 8. 9. & Jerem. 48. v. 32.

31. 41. 67. 22.

Saban aliàs Sabam, Num. 32. v. 3. est ipsa Sabama.

31. 27. 67. 41.

Sabarim urbs in Tribu Nephthali, cujus Ezechiël meminit 47. v. 16. ubi Emath, Berotha, & Sabarim sunt inter terminum Damasci, & confinium Emath.

31. 44. 67. 7.

Sabarim in Tribu Benjamin. V. Samaraïm.

25. 15. 83. 0.

Sabatha filiorum Chus tertius, ipsique primùm sedem dabimus inter Hevila & Rhegma, ubi Ptolem. Sata: fortèque & ab ipsis est Sabatha metropolis eidem Ptolemæo; quæ quamquam hinc longiùs distita sit, populis